



Mae Tai Wales & West wedi ymrwymo i ddarparu datganiad llawn fel sy'n ofynnol dan ddarpariaethau tryloywder Deddf Caethwasiaeth Fodern 2015.

Mae Tai Wales & West (WWH) yn ddarparwr tai dielw ar gyfer dros 20,000 o bobl, ac mae'n cyflogi dros 400 o gyflogeion. Fel Cymdeithas Gydweithredol a Budd Cymunedol gofrestredig, rydym yn berchen ar ac yn rheoli dros 11,500 o gartrefi fforddiadwy o ansawdd uchel yn ardaloedd 15 awdurdod lleol ar draws Cymru. Mae'r rhain yn cynnwys dros 3,000 eiddo penodedig ar gyfer pobl hŷn a datrysiadau llety â chymorth arloesol ar gyfer pobl sydd ag amrediad o anghenion penodol. Ein gweledigaeth yw sicrhau twf cadarn a chynaliadwy er mwyn gwneud gwahaniaeth i fywydau, cartrefi a chymunedau pobl. £60m oedd cyfanswm y trosiant yn ystod 2017.

Mae WWH yn gweithredu yng Nghymru yn unig, a phan fo modd, mae'n caffael o Gymru. Mae'n bwysig i ni ein bod yn ystyried gweithgarwch cynhyrchu lleol a moesegol yn ôl y ffordd y byddwn yn "prynu'n iawn". Mae ymrwymiad ein prif gontractwyr datblygu a'n contractwyr a'n cyflenwyr gwasanaethau eiddo tuag at ein Siarter Gwerth Cymdeithasol a Buddion Cymunedol yn cefnogi ein fframwaith Gwneud Gwahaniaeth parhaus.

Fel cyflogwr, rydym wedi ymrwymo i dalu Cyflog Byw Sefydliad Joseph Rowntree. Rydym yn adolygu ein holl amodau cyflogaeth yn rheolaidd er mwyn sicrhau eu bod yn cydymffurfio â'r holl ddeddfwriaeth berthnasol. Mae prif gontractwyr yn dangos eu cynnydd tuag at fod yn gyflogwr sy'n talu'r cyflog byw trwy lofnodi ein Siarter Talu Teg. Mae WWH wedi sicrhau hyfforddiant e-ddysgu a bydd yn darparu hyfforddiant i staff perthnasol er mwyn sicrhau eu bod yn deall risgiau posibl Caethwasiaeth Fodern wrth ddarparu ein gwasanaethau a rheoli ein cadwyn gyflenwi. Amlygwyd canllawiau'r Llywodraeth er mwyn nodi a chynorthwyo dioddefwyr yn neunydd briffio y Prif Weithredwr ac maent ar gael ac yn hygyrch i bob cyflogai trwy'r fewnwyd. Yn ogystal, mae WWH yn ystyried goblygiadau ymrwymo i God Ymarfer: Cyflogaeth foesegol mewn cadwyni cyflenwi gan Lywodraeth Cymru.

Mae'n datganiad atal caethwasiaeth a masnachu pobl yn adlewyrchu ein hymrwymiad i weithredu mewn ffordd foesegol a chydag uniondeb yn ein holl berthnasoedd busnes, gan weithredu a gorfodi systemau a rheolaethau sy'n ceisio sicrhau nad yw caethwasiaeth a masnachu pobl yn digwydd unrhyw le yn ein cadwyni cyflenwi. Ni fydd WWH yn cynorthwyo nac yn delio ag unrhyw fusnes y maent yn ymwneud â chaethwasiaeth neu fasnachu pobl mewn unrhyw ran o'u gweithrediadau mewn ffordd fwriadol. Dim ond gyda'r rhai sy'n cydymffurfio'n llawn â'r datganiad hwn neu'r rhai sy'n dangos camau tuag at gydymffurfiaeth y byddwn yn masnachu gyda nhw.

Er mwyn nodi a lleihau'r risg gymaint ag y bo modd, mae'n hadolygiad o'n proses gymhwyso i gyflenwyr yn parhau, er mwyn sicrhau bod ein holl gontractwyr a chyflenwyr yn ofalus, yn ofalgar, yn gymwys ac yn alluog. Bydd gofyn i gontractwyr a chyflenwyr lenwi holiadur hunanasesu cyn-gymhwyso, sy'n cynnwys cwestiynau sy'n targedu risg caethwasiaeth a masnachu pobl a diogelu rhag llafur plant. Nid yn unig y bydd hyn yn codi eu hymwybyddiaeth o ofynion y Ddeddf, ond bydd yn pwysleisio pwysigrwydd gallu dangos tystiolaeth o gydymffurfiaeth i WWH hefyd.

Nid yw'r Bwrdd, y Cyfarwyddwyr Gweithredol na'r Rheolwyr Uwch wedi cael eu hysbysu o unrhyw faterion sy'n ymwneud â chaethwasiaeth fodern ym musnesau neu gadwyni cyflenwi y Grŵp a chredwn y dylai'r polisïau canlynol, y cynlluniwyd pob un ohonynt i gynorthwyo cydymffurfiaeth gyfreithiol ac arfer gorau, fod yn ddigonol er mwyn atal neu alluogi adnabod materion y gallent beri pryder, yn gynnar:

- Polisi a Gweithdrefnau Recriwtio a Dethol
- Cod Ymddygiad Cyflogeion
- Polisi Chwythu'r Chwiban
- Polisi a Gweithdrefn Atal Twyll
- Rheoliadau Ariannol
- Diogelu Plant ac Oedolion Agored i Niwed

Gwneir y datganiad hwn dan Adran 54(1) Deddf Caethwasiaeth Fodern 2015. Mae'n cynnwys datganiad caethwasiaeth a masnachu pobl y Grŵp ar gyfer y flwyddyn ariannol a ddaeth i ben ar 31 Rhagfyr 2017. Mae trosiant y Grŵp yn fwy na £36m ar gyfer y cyfnod hwnnw. Cymeradwywyd y datganiad hwn gan Fwrdd Tai Wales & West, a fydd yn ei adolygu ac yn ei ddiweddarau bob blwyddyn.

Llofnodwyd

Llofnodwyd

Sharon Lee

Anne Hinchey

Cadeirydd

Prif Weithredwr

Tai Wales & West

Tai Wales & West

D
y
d
d
i
a
d